

**PEMBERITAHUAN PERTANYAAN DEWAN RAKYAT**

**PERTANYAAN : BUKAN LISAN**

**DARIPADA : DATUK SERI IR. DR. WEE KA SIONG [AYER HITAM]**

**SOALAN NO. 474**

**DATUK SERI IR. DR. WEE KA SIONG [ AYER HITAM ]** minta **MENTERI KEWANGAN** menyatakan secara terperinci mengenai Butiran Subsidi dan Bantuan Tunai (Butiran No.020500) :

- (a) jumlah subsidi diesel kepada nelayan, petani dan pekebun kecil yang telah dijadualkan dalam Bajet 2019; dan
- (b) jumlah subsidi bagi subsidi diesel yang melibatkan pendidikan, kesihatan, kebajikan masyarakat serta sektor keselamatan.

**JAWAPAN**

Tuan Yang di-Pertua,

1. Selaras dengan langkah merasionalisasi subsidi di bawah inisiatif mengurangkan kebergantungan terhadap subsidi tidak kritikal secara berperingkat, Kerajaan amat komited dalam pelaksanaan subsidi/insentif/bantuan secara bersasar agar setiap peruntukan yang disalurkan sampai kepada rakyat yang benar-benar memerlukan serta mengurangkan ketirisan yang berlaku.

2. Secara umumnya sejumlah RM545 juta diperuntukkan dalam tahun 2019 bagi tujuan subsidi diesel merangkumi keperluan dalam sektor industri dan pertanian. Subsidi ini merupakan inisiatif Kerajaan dalam membantu mengurangkan kos pengeluaran di peringkat input. Bagi nelayan kelas A, B dan C kadar diesel dikekalkan pada RM1.65 seliter berbanding harga runcit RM2.18 seliter.

3. Pengguna petrol RON95, Diesel dan Gas Cecair (LPG) yang terdiri daripada penduduk Malaysia termasuk pengguna sektor nelayan, petani, pengangkutan awam dan juga kenderaan barangan masih menerima manfaat Subsidi LPG, Diesel dan Petrol. Kerajaan juga mengekalkan harga paras petrol RON95 pada kadar RM2.08 seliter bermula 2 Mac 2019 walaupun kadar sebenar telah meningkat kepada RM2.16 seliter. Ini

selaras dengan komitmen Kerajaan Pakatan Harapan dalam menangani kos sara hidup rakyat.

4. Perincian subsidi/insentif/bantuan bagi sektor sosial yang disediakan melibatkan pendidikan, kebajikan masyarakat serta sektor keselamatan antaranya adalah seperti di Jadual berikut:

**Ringkasan Maklumat Subsidi Sosial Bagi Sektor Pendidikan, Kesihatan, Kebajikan Masyarakat dan Keselamatan**

<b>BIL</b>	<b>SUBSIDI/INSENTIF/BANTUAN</b>	<b>PERUNTUKAN DIPINDA 2018 (RM)</b>	<b>PERUNTUKAN 2019 (RM)</b>
<b>A</b>	<b>KESELAMATAN</b>	<b>84,587,200</b>	<b>132,103,500</b>
<b>B</b>	<b>KEBAJIKAN MASYARAKAT</b>	<b>8,828,535,700</b>	<b>7,328,061,400</b>
<b>C</b>	<b>PENDIDIKAN</b>	<b>8,217,536,216</b>	<b>6,888,390,450</b>
1.	Bantuan Pendidikan	3,637,482,166	3,119,526,700
2.	Biasiswa/Pinjaman Pelajaran	4,580,054,050	3,768,863,750
	<b>JUMLAH PERUNTUKAN SUBSIDI/BANTUAN/INSENTIF</b>	<b>17,130,659,116</b>	<b>14,348,555,350</b>

**PEMBERITAHUAN PERTANYAAN BUKAN LISAN DEWAN RAKYAT  
MESYUARAT PERTAMA, PENGGAL KEDUA  
PARLIMEN KEEMPAT BELAS**

---

**PERTANYAAN : BUKAN LISAN**

**DARIPADA : DATUK SERI IR. DR. WEE KA SIONG  
[ AYER HITAM ]**

**SOALAN NO. 473**

**Datuk Seri Ir. Dr. Wee Ka Siong [ Ayer Hitam ] minta MENTERI  
PENDIDIKAN menyatakan :-**

- a) bilangan murid di Sekolah Kebangsaan (SK), Sekolah Jenis Kebangsaan Cina (SJKC) dan Sekolah Jenis Kebangsaan Tamil (SJKT) mengikut kaum bagi tahun 2016, 2017 dan 2018; dan
- b) bilangan murid di sekolah antarabangsa mengikut kaum bagi tahun 2017 dan 2018.

**JAWAPAN**

Untuk makluman Ahli Yang Berhormat,

- a) Berikut merupakan bilangan murid di Sekolah Kebangsaan (SK), Sekolah Jenis Kebangsaan Cina (SJKC) dan Sekolah Jenis Kebangsaan Tamil (SJKT) mengikut kaum bagi tahun 2016, 2017 dan 2018:

**TAHUN 2016**

<b>SEKOLAH RENDAH</b>	<b>MELAYU</b>	<b>CINA</b>	<b>INDIA</b>	<b>LAIN- LAIN</b>	<b>JUMLAH</b>
SK	1,563,645	19,195	65,945	411,630	2,060,415
SJKC	32,062	451,533	13,753	42,940	540,288
SJKT	141	152	82,855	145	83,293
<b>JUMLAH</b>	<b>1,595,848</b>	<b>470,880</b>	<b>162,553</b>	<b>454,715</b>	<b>2,683,996</b>

**TAHUN 2017**

<b>SEKOLAH RENDAH</b>	<b>MELAYU</b>	<b>CINA</b>	<b>INDIA</b>	<b>LAIN-LAIN</b>	<b>JUMLAH</b>
SK	1,570,019	18,708	64,928	417,868	2,071,523
SJKC	31,026	433,891	13,999	46,687	525,603
SJKT	165	192	81,113	231	81,701
<b>JUMLAH</b>	<b>1,601,210</b>	<b>452,791</b>	<b>160,040</b>	<b>464,786</b>	<b>2,678,827</b>

**TAHUN 2018**

<b>SEKOLAH RENDAH</b>	<b>MELAYU</b>	<b>CINA</b>	<b>INDIA</b>	<b>LAIN-LAIN</b>	<b>JUMLAH</b>
SK	1,596,019	17,735	62,538	419,916	2,096,208
SJKC	31,612	422,789	14,101	48,595	517,097
SJKT	175	204	80,947	257	81,583
<b>JUMLAH</b>	<b>1,627,806</b>	<b>440,728</b>	<b>157,586</b>	<b>468,768</b>	<b>2,694,888</b>

- b) Bilangan murid di sekolah antarabangsa bagi tahun 2017 ialah seramai 54,654 orang murid. Manakala bagi tahun 2018 bilangan murid di sekolah antarabangsa ialah seramai 42,327 orang murid dengan pecahan mengikut kaum Melayu (5,435 orang), Cina (28,552 orang), India (4,932 orang) dan lain-lain (3,408 orang).

**PEMBERITAHUAN PERTANYAAN DEWAN RAKYAT**

**PERTANYAAN : BUKAN LISAN**

**DARIPADA : DATUK SERI IR. DR. WEE KA SIONG (AYER HITAM)**

**SOALAN : NO. 476**

**DATUK SERI IR. DR. WEE KA SIONG [Ayer Hitam] minta PERDANA MENTERI menyatakan:**

- (a) status pelaksanaan 2 buah masjid di kawasan Parlimen Ayer Hitam iaitu Masjid Kampung Parit Awang, Yong Peng dan Masjid Kampung Parit Haji Ali; dan
- (b) berapa jumlah peruntukan bagi 2 projek tersebut dan bilakah ia dapat disiapkan.

**JAWAPAN: YB DATUK WIRA DR. MD FARID BIN MD RAFIK  
TIMBALAN MENTERI DI JABATAN PERDANA MENTERI**

Tuan Yang di-Pertua,

Status pelaksanaan bagi Projek Masjid Kampung Parit Awang, Yong Peng dan Masjid Kampung Parit Haji Ali, Mukim 8, Parit Raja adalah di peringkat penyediaan tender dan akan dilaksanakan oleh Jabatan Kerja Raya, Johor (JKR Johor). Projek-projek ini dijangka akan siap pada tahun 2021.

Peruntukan yang telah diluluskan bagi Projek Masjid Kampung Parit Awang, Yong Peng adalah RM1.05 juta dan Projek Masjid Kampung Parit Haji Ali, Mukim 8, Parit Raja adalah RM1.75 juta.

Sekian, terima kasih.

**MESYUARAT PERTAMA, PENGGAL KEDUA  
PARLIMEN KEEMPAT BELAS  
PEMBERITAHUAN PERTANYAAN  
DEWAN RAKYAT MALAYSIA**

**PERTANYAAN : BERTULIS**  
**DARIPADA : YB DATUK SERI IR. DR. WEE KA SIONG**  
**KAWASAN : AYER HITAM**

**SOALAN :**

**YB DATUK SERI IR. DR. WEE KA SIONG** minta **MENTERI KERJA RAYA** menyatakan:

- (a) status pembinaan pembahagi jalan-jalan pelebaran jalan FT50 Jalan Kluang-Ayer Hitam dan Batu Pahat yang masih dimulakan di kawasan Parlimen Ayer Hitam; dan
- (b) status pelebaran dan menaik taraf Jalan Persekutuan dari Ayer Hitam ke Chaah yang dipohon sejak bertahun-tahun lalu.

**JAWAPAN :**

Tuan Yang Di-Pertua,

Untuk makluman Ahli Yang Berhormat, Cadangan untuk membina pembahagi atau median di Jalan Persekutuan FT050 Batu Pahat - Ayer Hitam - Kluang telah disenaraikan oleh pihak Kerajaan Negeri Johor sebagai projek utama untuk dilaksanakan. Justeru itu, Kementerian ini telah mengangkat permohonan Menaiktaraf Jalan Persekutuan FT050 Batu Pahat – Ayer Hitam - Kluang, Batu Pahat bagi Fasa 3A iaitu dari Parit Sempadan, Batu Pahat ke Persimpangan Tol PLUS Ayer Hitam di dalam permohonan *Rolling Plan* 4 Tahun 2020. Walau bagaimanapun, kelulusan pelaksanaan dan peruntukan projek adalah tertakluk kepada pertimbangan dari pihak Kementerian Hal Ehwal Ekonomi dan juga Kementerian Kewangan.

Berkenaan cadangan pelebaran dan menaik taraf Jalan Persekutuan dari Ayer Hitam ke Chaah pula, semakin bancian dan isipadu trafik lalulintas terkini mendapati bahawa Tahap Perkhidmatan Jalan (*Level of Service* atau LOS) berada pada tahap LOS C. Ini bermaksud bahawa tahap kesesakan pada waktu puncak masih boleh diterima. Di samping itu juga, cadangan untuk menaiktaraf jalan ini tidak disenaraikan sebagai keutamaan oleh pihak Kerajaan Negeri Johor.

Sekian, terima kasih.

**PEMBERITAHUAN PERTANYAAN DEWAN RAKYAT**

**PERTANYAAN : BERTULIS**

**DARIPADA : TUAN WILLIAM LEONG JEE KEEN**

**SOALAN NO. 478**

Tuan William Leong Jee Keen [Selayang] minta MENTERI PERDAGANGAN ANTARABANGSA DAN INDUSTRI menyatakan apakah usaha Kerajaan setakat ini dalam membangunkan Industri 4.0 susulan pelancaran Dasar Industry4WRD.

**JAWAPAN**

Dasar Negara Mengenai Industri 4.0 atau pun Industry4WRD telah dilancarkan pada 31 Oktober 2018 oleh YAB Tun Dr. Mahathir Mohamad. Dasar ini bertujuan untuk membantu dan menggalakkan transformasi industri perkilangan dan perkhidmatan berkaitan untuk menjadi lebih pintar, sistematik dan berdaya saing. Peralihan industri ke Industri 4.0 adalah penting bagi memastikan industri tempatan akan dapat terus kekal berdaya saing dengan sokongan tenaga kerja berkemahiran tinggi dan inovatif.

Susulan daripada pelancaran dasar tersebut, sejumlah RM210 juta telah diperuntukkan bagi tahun 2019 sehingga 2021 di bawah Bajet 2019 untuk menggalakkan peralihan ke Industri 4.0 melalui lapan program berikut:

- i. Penilaian Kesiediaan (*Readiness Assessment*) untuk menilai kedudukan syarikat dalam beralih ke Industri 4.0 dan membuat analisa jurang atas syarikat untuk membuat analisa jurang di antara keupayaan teknologi semasa syarikat dengan teknologi Industri 4.0;
- ii. Program intervensi kepada syarikat yang telah mengikuti program penilaian kesiediaan untuk membantu syarikat beralih kepada Industri 4.0 melalui intervensi kemahiran, proses dan teknologi;



- iii. Program menaik taraf kemudahan sedia ada di Institusi Pengajian Tinggi Awam menjadi pusat kecemerlangan (*competence center*) bagi teknologi teras Industri 4.0;
- iv. Penyediaan kemudahan jalur lebar berkelajuan tinggi di kawasan perindustrian dan pusat latihan yang strategik dan berimpak tinggi;
- v. Program Latihan Tenaga Pengajar untuk meningkatkan kemahiran dalam pedagogi Industri 4.0;
- vi. Pembangunan program khusus Industri 4.0 bagi Sistem Latihan Dual Nasional (SLDN) yang menjurus kepada bidang automasi perkilangan;
- vii. Program Latihan Semula untuk pembangunan keupayaan dan kompetensi dalam bidang teknologi Industri 4.0; dan
- viii. Program pembangunan platform kolaboratif pintar bagi memudahkan syarikat untuk mengenal pasti penyedia perkhidmatan integrasi sistem dan mengguna pakai teknologi dan solusi Industri 4.0.

Dasar Industry4WRD telah menetapkan struktur tadbir urus yang utuh bagi memastikan pelaksanaan dasar secara berkesan. Ia meliputi Majlis Industry4WRD, Pasukan Petugas Peringkat Tertinggi, dan lima Jawatankuasa Kerja Teknikal (TWG) seperti berikut:

- i. Jawatankuasa Kerja Teknikal Pembiayaan yang dipengerusikan oleh Kementerian Kewangan (MOF);
- ii. Jawatankuasa Kerja Teknikal Infrastruktur yang dipengerusikan oleh Kementerian Komunikasi dan Multimedia (KKMM);

## SOALAN NO 478

- iii. Jawatankuasa Kerja Teknikal Kawal Selia yang dipengerusikan oleh Kementerian Perdagangan Antarabangsa dan Industri (MITI);
- iv. Jawatankuasa Kerja Teknikal Kemahiran dan Bakat yang dipengerusikan oleh Kementerian Pendidikan (MOE); dan
- v. Jawatankuasa Kerja Teknikal Teknologi yang dipengerusikan oleh Kementerian Perdagangan Antarabangsa dan Industri (MITI).

Setiap TWG bertanggungjawab terhadap perancangan dan pelaksanaan pelan tindakan yang telah dikenal pasti di bawah TWG masing-masing. Segala perancangan dan status pelaksanaan perlu dilaporkan kepada Pasukan Petugas Peringkat Tertinggi yang dipengerusikan oleh Ketua Setiausaha MITI dan juga Majlis Industry4WRD yang dipengerusikan oleh YB Menteri MITI. Setakat ini, persiapan dan perancangan rapi sedang diteliti oleh TWG untuk memastikan setiap projek dapat memasuki fasa pelaksanaan secara teratur dan secepat yang mungkin.

MITI telah melancarkan permohonan atas talian bagi syarikat-syarikat yang berminat untuk menjalani program Penilaian Kesediaan (RA) pada 28 Januari 2019. RA merupakan program perdana bagi Industry4WRD untuk menilai tahap kesediaan syarikat perkilangan dan perkhidmatan untuk beralih kepada Industri 4.0. Sejumlah RM15 juta telah diperuntukkan untuk membiayai 500 perusahaan kecil dan sederhana (PKS) mengikuti program RA sepanjang tahun 2019. Selain itu, syarikat multinasional, syarikat besar tempatan dan PKS selebihnya layak mendapat potongan cukai sehingga RM27,000 terhadap perbelanjaan yang telah dibuat atas program RA. Setakat 27 Februari 2019, MITI telah menerima sebanyak 122 permohonan daripada syarikat yang berminat dalam program RA ini.

Menyedari bahawa kekangan kewangan dan akses kepada pembiayaan merupakan antara cabaran bagi industri dalam perolehan teknologi Industri 4.0, Kerajaan telah memperkenalkan dua produk kewangan baharu di bawah Belanjawan 2019 untuk membantu industri, iaitu: